

DigiTalent

Plan de Promoción de Talento Dixital de Galicia 2020

2ª EDICIÓN

Programa “Tecnólog@ por un día”

Manual do alumnado



Benvido ao Programa “Tecnólog@ por un día” do Plan de Promoción de Talento Dixital de Galicia

Obxectivo

Mellorar a visión que proxectan as profesións científico-tecnolóxicas e a percepción que os máis novos/as teñen delas, achegando aos/ás estudantes a realidade profesional da que formarán parte no futuro.



12 a 17 anos


Presentar as vantaxes do ámbito tecnolóxico a través dunha experiencia real e práctica, potenciando e promovendo a adquisición de competencias dixitais e as habilidades que se requiren no mercado laboral actual.



1 Xornada

En que consiste?

Estudantes de 12 a 17 anos experimentarán en primeira persoa unha xornada laboral con profesionais voluntarios/as do sector participando nas distintas actividades que teña na axenda (participando en reunións, visitas a clientes tecnolóxicos, comida de traballo, etc.)



A continuación, podes encontrar as directrices que como alumno/a participante do programa che axudarán a preparar os aspectos clave da xornada así como consellos prácticos para que poidas aproveitar ao máximo a túa experiencia.

De que se trata exactamente “Tecnólog@ por un día”?

Queres comprender mellor as dinámicas laborais que dominan ás profesións tecnolóxicas? Gustaríache resolver as túas dúbidas vocacionais cara á elección dos teus estudos?

“Tecnólog@ por un día” pode axudarche. Este programa permitirache descubrir as profesións dixitais a través da inmersión na realidade destes traballos da man de profesionais voluntarios/as.

En concreto, experimentarás unha xornada laboral no marco das profesións dixitais en grandes empresas de Galicia, participarás en reunións, visitas a clientes ou comidas de traballo. Unha actividade que che resultará de utilidade para a toma de decisións sobre a túa futura profesión que poida responder mellor aos teus gustos e preferencias vocacionais.

Que podo aprender co programa?


- Descubrir as ferramentas e coñecementos que demandan as novas profesións dixitais.
- Acadar unha mellor comprensión e entendemento sobre as distintas profesións dixitais e os tipos de traballo a desenvolver en cada unha delas.
- Comprobar en primeira persoa como se aplica a tecnoloxía no mundo laboral e como afecta ás habilidades que requiren as profesións neste eido.
- Reflexionar acerca dos coñecementos que necesitas no marco das profesións dixitais e os estudos que che permitirán adquirilos.



Como te inscribes?

Se decidiches que “Tecnólog@ por un día” é a túa oportunidade de mergullarte nas profesións dixitais e queres participar nesta experiencia, tes que comunicarlo ao persoal docente do teu centro educativo, xa que eles/as son os/as responsables de realizar a solicitude de inscrición. Poderás solicitar a inscrición en ata 3 prazas da túa preferencia.

En concreto, o programa desenvolverase segundo o seguinte esquema:



**Debes contar coa autorización do teu pai/nai/titor legal e entregar o documento asinado no centro. O teléfono de contacto e o correo electrónico que se indiquen na autorización será o utilizado polas empresas para comunicarse contigo e concretar a data da xornada.*

Prepárate antes da Xornada!

Para que aproveites ao máximo a experiencia, achegámosche algunhas recomendacións que contribuirán a que a actividade sexa o máis produtiva posible:

#1 Non se require ningún material específico para a actividade, pero se o consideras oportuno podes levar contigo o necesario para tomar notas, apuntes...


#2 Prepara as preguntas que che gustaría facerlle ao/á profesional que te acompañará durante a xornada.

#3 Investiga e infórmate sobre a organización á que vas acudir, a que se dedica, a que sector pertence, cantos empregados ten, cal é a súa traxectoria, etc.

#4 Leva unha actitude positiva para escoitar activamente e prestar atención en todas as actividades das que formarás parte. Que sexa unha gran experiencia depende moito de ti.


Algúns exemplos de preguntas

Para aproveitar a túa experiencia na empresa, suxerímosche algunhas preguntas que podes realizar ao/á profesional que estará contigo durante a xornada laboral:

- Que educación é necesaria para realizar este traballo?
 - Que estudos cursaches (optativas, carreira..)?
 - Que habilidades e competencias se requiren para o desenvolvemento do teu traballo?
 - Como descubriches que te querías dedicar a esta profesión?
 - Cal é o teu cargo na empresa? Cales son as túas responsabilidades?
 - Cales son as túas tarefas diarias ou como é un día típico de traballo?
 - Que é o que máis che gusta da túa profesión? E o que menos?
 - Que outras habilidades complementarias necesitas para realizar a túa profesión?
 - Coa túa formación, que outras profesións dixitais poderías desempeñar?
- 

FIN DA XORNADA

Ao finalizar a xornada, cubre o cuestionario de satisfacción online do programa, ao que poderás acceder a través do espazo web: amtega.xunta.gal/tecnologo-por-un-dia-segunda-edicion, premendo en:



A súa finalidade é coñecer a túa opinión sobre a actividade e a túa experiencia, as túas conclusións e leccións aprendidas, etc.

1. O cuestionario de satisfacción da actividade é anónimo. Unicamente tes que indicar o teu curso escolar actual e o nome da organización á que acudiches para a celebración da actividade.

2. Valora o programa e recolle as túas conclusións respondendo ás preguntas conforme ás indicacións en cada caso.

3. Revisa as túas respostas e preme "Enviar" para finalizar e remitir a valoración.

Cuestionario de satisfacción

Indica cal é o teu curso escolar

Eixe do despregable

- 1º de ESO
- 2º de ESO
- 3º de ESO
- 4º de ESO
- 1º de Bacharelato
- 2º de Bacharelato

Indica a organización á que acudiches

A túa resposta

Responde ás seguintes preguntas indicando a opción máis adecuada, tendo en conta que 0 é o "grao máis baixo de satisfacción/totalmente en desacordo" e 5 o "grao máis alto de satisfacción/totalmente de acordo".

Seguinte

Avaliación da experiencia en global

- Nivel de satisfacción coa actividade 1 2 3 4 5 Sen resposta
- Recomendarías a experiencia a outros rapaces Si Non NS/NC
- Volverías a participar nesta actividade Si Non NS/NC
- Participar na actividade axudoume a aclarar dúbidas vocacionais Si Non NS/NC

Volver Seguinte

Antes de participar na actividade...

- Considerabas traballar nunha profesión dixital? 1 2 3 4 5 Sen resposta
- Coñecías a alguén que traballase nunha profesión dixital? Si Non NS/NC

Volver Seguinte

Despois de participar na actividade...

- Gustaríache traballar nunha profesión dixital? Si Non NS/NC
- Cursarás estudos STEM (materias de libre configuración, carreiras universitarias, FP, ...) para traballar nunha profesión dixital? Si Non NS/NC
- Cal é a túa percepción sobre as profesións dixitais? Podes elixir máis dunha resposta
 - Son carreiras para homes
 - Son carreiras para mulleres
 - Considero que teñen un alto impacto na sociedade
 - Abranguen traballos variados e creativos
 - Outros (indica os teus comentarios)

A continuación, indica a túa valoración da actividade (o mellor da experiencia, suxestións ou achegas, etc.)

A túa resposta...

Volver **Enviar** 3

PREGUNTAS MÁIS FRECUENTES

- **Quen pode participar?**

Calquera estudante de 12 a 17 anos de idade do curso escolar 2018/2019.

- **En que datas e horarios se desenvolve o programa?**

O programa desenvolverase entre o 18 de febreiro e o 22 de marzo de 2019. A data e o horario concretos da xornada serán establecidos entre o/a alumno/a participante e a empresa colaboradora (a empresa porase en contacto a través do número de teléfono e/ou email facilitado no documento de autorización).

- **Quen inscribe aos/ás alumnos/as?**

A solicitude de inscrición lévase a cabo a través do persoal docente dos centros educativos, sempre que contén coa autorización dos pais/nais/titores legais do alumnado. Realízase a través do formulario dispoñible no espazo web amtega.xunta.gal/tecnologo-por-un-dia-segunda-edicion

- **Onde consigo o documento de autorización do pai/nai/titor legal?**

Podes descargalo no espazo web amtega.xunta.gal/tecnologo-por-un-dia-segunda-edicion. Unha vez asinada esta autorización, deberás entregala no teu centro educativo.

- **Como se realiza a asignación de prazas do programa?**

As prazas dispoñibles asignaranse aplicando o resultado dun sorteo que se realizará unha vez rematado o prazo de inscrición tendo en conta as preferencias sinaladas no formulario.

- **Xa dispoño do día e hora para a actividade, que fago?**

Debes presentarte no lugar acordado coa empresa e á hora indicada.

- **Canto dura a actividade?**

Normalmente os/as alumnos/as comparten unha xornada laboral (mañá e tarde). As horas concretas estipularanse entre o alumnado e a empresa e dependerá da dispoñibilidade do profesional voluntario/a.

- **Teño que asumir algún coste?**

Como participante do programa terás que asumir o gasto de desprazamento ata o lugar que acordes coa empresa.

PREGUNTAS MÁIS FRECUENTES

- **Quen pode asistir ao acto de clausura?**

Realizarase unha xornada conxunta de clausura á que poderán asistir os alumnos e alumnas que participaron no programa e os/as profesionais voluntarios/as, previo envío da invitación correspondente antes da data de celebración.

- **Que teño que facer despois da actividade?**

Como participante do programa é necesario que cubras o cuestionario de satisfacción dispoñible no espazo web amtega.xunta.gal/tecnologo-por-un-dia-segunda-edicion. Neste manual podes consultar as instrucións para facelo.

Para trasladar calquera aclaración ou consulta adicional podes utilizar o formulario de contacto dispoñible no espazo web amtega.xunta.gal/contacto-digitalent

**Impulsando o
talento tecnolóxico
en Galicia**

GRACIAS POLA TÚA PARTICIPACIÓN

